

**Հ. Մ. ՔԵՆԴԵՐՅԱՆ, Հովհան Մայրապետեցի, ՀՍՍՀ ԳԱ հրատարակչություն,
Երևան, 1973, 133 էջ**

Դրախոսվող դրբում քննվում է Հովհան Մայրապետեցու կյանքը, գործը, ապրած ժամանակաշրջանը և գրական ժառանգությունը: Հեղինակը իրավացիորեն նկատել է, որ Հովհան Մայրապետեցուն հիշաավանդ աղբյուրները շատ են, բայց նրա գործունեության մասին եղած տեղեկությունները՝ քիչ: Այդ իսկ պատճառով ավելի մեծ դեր է հատկացվում բանասիրական աշխատանքին՝ առկա կցկտուր տվյալներից և հակասական ենթադրություններից ճշմարիտ եզրահանգումներ կատարելու համար: Հեղինակին հաջողվել է ձեռագիր աղբյուրների օգտագործմամբ ճշտել Հովհան Մայրապետեցու ապրած ժամանակաշրջանը և նրա կյանքը լուսաբանող մի շարք կարևոր հարցեր: Սույն քննությանը ապացուցվում է, որ Հովհան Մայրապետեցին ապրել է VII դ. առաջին կեսին և նրա մականունը եղել է ոչ թե Մայրիվանեցի, այլ՝ Մայրապետեցի: Նաև ցույց է տրվում, որ Հովհան Մայրապետեցին եղել է բեղուն ու եռանդուն գործիչ և ունեցել է բազմաթիվ աշակերտներ:

Հ. Քենդերյանը հատուկ ուշադրություն է նվիրել Հովհան Մայրապետեցու անվամբ հայտնի աղանդի հետ կապված հարցերին, գտնելով, որ այդ աղանդի հիմնադիրն ու գաղափարախոսը եղել է նրա աշակերտ Սարգիսը:

Հ. Քենդերյանի քննության հիմնական առարկան «Խրատ վարուց» ժողովածուն է՝ բաղկացած 26 ճառից, մեկական ողբից և աղոթքից: Ինչպես հայտնի է, երկար ժամանակ այդ ժողովածուն վերադրվել է V դ. նշանավոր գործիչ Հովհան Մանդակունուն: Ժիշտ է, 1913 թ. Կարապետ եպիսկոպոսը հիմնավորեց կարծիք՝ հօգուտ Հովհան Մայրապետեցու և շատերն ընդունեցին այն, սակայն նույնիսկ հիմա էլ որոշ բանասերներ «Խրատ վարուցի» ճառերը վերադրում են Հովհան Մանդակունուն:

Հ. Քենդերյանը հարուստ փաստերով հավաստում է, որ «Խրատ վարուց» իրոք VII դ. գրական հուշարձան է և պատկանում է Հովհան Մայրապետեցու գրչին: Ձևայած նա ևս գտնում է, որ այն լեզվամտածողական՝ առումով ընդհանրություններ ունի V դ. գրականության հետ, սակայն մատնացույց է անում համանման երկերի առկայությունը նաև VII դ.: Դրանցից են Կոմիտաս Կաթողիկոսի «Անձինք նուիրեալք», Անանիա Շիրակացու երկերը, Սեբեոսի «Պատմությունը» և այլն:

Աշխատության հեղինակը ճառերի բովանդակությունը բաժանում է չորս խմբի: Այդ առթիվ նա գրում է. «Ժողովածուն խոր ու ինքնատիպ մտածողի, գործչի ու գրողի կուտ ու ամբողջական աշխարհայացքի արտահայտություն է, ժամանակի, հասարակության, կյանքի ու մահվան, ճակատագրի, ազատության և այլ խնդիրների գնահատությունը, որ արտացոլվել է ճառերի չորս խմբերի միջոցով: Դրանք են՝ ա) ճառեր մեղքերի (ախտերի), բ) բնության և գերբնական երևույթների, գ) առաքինության և դ) փրկության միջոցների մասին» (էջ 71):

Մեծ է Հովհան Մայրապետեցու ճառերի ճանաչողական նշանակությունը: Նրանցում տեսնում ենք VII դ. հայ կյանքի տարրեր կողմերն ու հասարակական շարիքի այլազան արտահայտությունները:

Մարդկային կյանքի շարիքներից մեկը, ըստ Հովհան Մայրապետեցու, վաշխառությունն է: Նրա համոզմամբ վաշխառուն զուրկ է մարդկային զգացմունքներից, անգութ է:

Հովհան Մայրապետեցին Նզնիկ Կողբացու նման պայքարել է կախարդության ամենատարբեր արտահայտությունների դեմ: Նա իր մեծ նախորդի նման գտնում էր, որ կախարդությունն ու գիտությունը անհարկ են:

Հ. Քենդերյանը Հովհան Մայրապետեցու ճառերի կապակցությամբ քննում է միջնադարի հայ գրականության այնպիսի ժանրերի գրականագիտական սահմանումները, ինչպիսիք են՝ ճառը, թուղթը և կանոնը: Նա իրավացիորեն նկատում է, որ Հովհան Մայրապետեցու ճառերում միաժամանակ կան վերահիշյալ երեք ժանրերի տարրեր: Մենագրության հեղինակը «Պիտոյից զբրբում» եղած խրատի ու եղծման սահմանումներն ու սխեմաները համադրել է «Խրատ վարուցում» եղած ճառերի սխեմաներին և ի հայտ բերել համապատասխանություն:

Որպես ընթերցողի և ունկնդրի վրա ազդելու կարևոր միջոց, ինչպես նշում է Հ. Քենդերյանը, Հովհան Մայրազոմեցին իր ճառերում օգտագործել է նաև ինքնախարազանումը, որը գալիս է դեռևս V դ. ապաշխարության շարականներից:

Ուսումնասիրության վերջում Հ. Քենդերյանն անդրադառնում է Հովհան Մայրազոմեցու շափածո ողբին, քննում նրա հետ կապվող տաղաչափական հարցերը, տալիս ողբի պոետիկական առանձնահատկությունները: Շահեկան կլինե՞ր, եթե ուսումնասիրության վերջում, հավելվածի կարգով, դրվեր ողբի բնագիրը:

Այս ուսումնասիրությամբ Հ. Քենդերյանը միջնադարյան նառադրության շշատ խուսան տարածություններ ունեցող անդաստանում» բացել է մի ակոս: Բանասիրական և գրականագիտական բնություններով Հ. Քենդերյանը կարողացել է առաջին անգամ ստեղծել Հովհան Մայրազոմեցու մասին մի ամբողջական ուսումնասիրություն, որը բավարար հիմք է նրա «Խրատ վարուց» ժողովածուի բնագրի գիտա-բնական բնադիրը ստեղծելու և առհասարակ հայ ճառադրության բնությունն ավելի խորացնելու:

Ա. Գ. ԴՈՂՈՒԽԱՆՅԱՆ
Բաճաթիբաղյան գիտությունների բեկնածու: